

	<h1>SLUŽBENE NOVINE OPĆINE GORAŽDE</h1>	
Godina III	24. mart 2010. GORAŽDE	Broj 5

0422

Na osnovu članova 9, 12, 13. i 34. Zakona o upravljanju otpadom („Službene novine Federacije Bosne i Hercegovine“, broj: 33/03), članova 24, 32, 44. i 45. Zakona o zaštiti okoliša Bosansko-podrinjskog kantona Goražde („Službene novine Bosansko-podrinjskog kantona Goražde“ broj: 5/05), člana 4. stav 1. Zakona o komunalnim djelatnostima („Službeni list SR BiH“, broj 20/90), koji je preuzet kao Federalni zakon, članova 11, 18. i 84. Statuta Općine Goražde („Službene novine Bosansko-podrinjskog kantona Goražde“, broj: 13/07), Općinsko vijeće Općine Goražde, na osamnaestoj redovnoj sjednici, održanoj dana 18.03.2010.godine, **d o n o s i:**

O D L U K U

o pristupanju izgradnji regionalne sanitarne deponije čvrstog komunalnog otpada na lokaciji Trešnjica, općina Goražde

Član 1.

Ovom Odlukom odobrava se pristupanje izgradnji regionalne sanitarne deponije za odlaganje čvrstog komunalnog otpada na lokaciji Trešnjica, općina Goražde, u granicama i na zemljištu koji se utvrde studijom o uticaju na okoliš i glavnim projektom za izgradnju iste.

Član 2.

Obavezuju se sva pravna i fizička lica koja stvaraju otpad prilikom obavljanja djelatnosti ili u domaćinstvima, javna preduzeća koja odvoze otpad, kao i Općina Goražde da odlaganje čvrstog komunalnog otpada vrše na regionalnoj sanitarnoj deponiji iz člana 1. ove Odluke po njenoj izgradnji.

Član 3.

Ovlašćuje se načelnik Općine Goražde da zaključi ugovor sa općinama Gornjodrinjske regije: Rogatica, Višegrad, Novo Goražde, Čajniče, Foča, Foča – Ustikolina i Pale – Prača, kojim će se regulisati bliža prava i obaveze u vezi sa izgradnjom deponije iz člana 1. ove Odluke.

Član 4.

Ova Odluka stupa na snagu osmog dana od dana objavljivanja u „Službenim novinama Općine Goražde.“

Broj: 01-02-1383

Goražde, 23.03.2010. godine

PREDSJEDAVAJUĆA VIJEĆA

prim.dr.Vesna Nemic Klisura

0423

Na osnovu članova 18. i 84. Statuta Općine Goražde („Službene novine Bosansko-podrinjskog kantona Goražde, broj: 13/07) i Odluke o usvajanju Programa utroška novčanih sredstava prikupljenih od prodaje poslovnih prostora u vlasništvu Općine Goražde, utvrđivanju organa i postupaka dodjele kredita za podsticanje zapošljavanja („Službene novine Bosansko-podrinjskog kantona Goražde“ broj: 02/00,16/06 i12/09), Općinsko vijeće Općine Goražde, na osamnaestoj redovnoj sjednici, održanoj dana 18.03.2010 godine, **d o n o s i:**

O D L U K U

o dodjeli kreditnih sredstava TR "HENA" Goražde iz Namjenskog depozita Općine Goražde u cilju bržeg zapošljavanja na području Općine Goražde

Član 1.

Odobravaju se kreditna sredstva u iznosu od 8.000,00 KM TR "HENA" Goražde iz Namjenskog depozita Općine Goražde u cilju bržeg zapošljavanja na području Općine Goražde, pod sljedećim uvjetima:

- Rok otplate je 36 mjeseci od dana početka korištenja kreditnih sredstava;
- Kamatna stopa je 3% godišnje, uz obračun i plaćanje mjesečno unazad, najkasnije do sedmog dana u mjesecu za protekli mjesec;
- Za dodijeljenih 8.000,00 KM korisnik kredita je obavezan uposliti jednog radnika sa kojim zaključuje ugovor o radu i zadržati ga u radnom odnosu najmanje tri (3) godine.

Član 2.

Korisnik kreditnih sredstava, TR "HENA" Goražde, se obavezuje da će Općini Goražde svakog drugog mjeseca dostavljati dokaze o uplati poreza i doprinosa na ime novouposlenog radnika pod uvjetima iz člana 1. ove Odluke i to obrazac od specifikacije za isplatu plaća, ovjeren od strane nadležne porezne uprave ili uvjerenje o uplatama poreza i doprinosa za zaposlenog radnika uz potpis zaposlenog lica.

Član 3.

Za pokriće obaveza po osnovu izdatog kredita u skladu sa tačkom 1. ove Odluke TR "HENA" Goražde će osigurati dva žiranta prihvatljiva za Privrednu banku Sarajevo.

Član 4.

TR "HENA" Goražde je obavezna da sredstva dugoročnog kredita vraća u jednakim mjesečnim anuitetima na transakcioni račun broj: 101140000001617 do sedmog dana u mjesecu.

U slučaju docnje TR "HENA" Goražde sa plaćanjima anuiteta, banka ima pravo da odobreni kredit proglasi promptno dospjelim i zatraži naplatu cjelokupnog kredita zajedno sa pripadajućim dospjelim kamatama i obračunatim naknadama i troškovima.

Član 5.

U slučaju nepoštivanja odredaba ove Odluke od strane TR "HENA" Goražde, kredit se u tom momentu smatra u cijelosti dospjelim za naplatu i banka će poduzeti sve mjere za naplatu istog.

Član 6.

Ovlašćuje se načelnik Općine Goražde da zaključi ugovor o dodjeli kreditnih sredstava iz člana 1. ove Odluke, a u skladu sa odredbama ove Odluke kojim će se regulisati bliža prava i obaveze ugovornih strana.

Ukoliko se Ugovor ne zaključi u roku od 30 dana od dana stupanja na snagu ove Odluke, ista prestaje da važi.

Član 7.

Ova Odluka stupa na snagu osmog dana od dana objavljivanja u („Službenim novinama Općine Goražde“).

Broj: 01-02-1390
Goražde, 23.03.2010. godine

PREDSJEDAVAJUĆA VIJEĆA

prim.dr.Vesna Nemeć Klisura

0424

Na osnovu članova 18. i 84. Statuta Općine Goražde („Službene novine Bosansko-podrinjskog kantona Goražde“, broj: 13/07), Općinsko vijeće Općine Goražde, na osamnaestoj redovnoj sjednici, održanoj dana 18.03.2010. godine,

d o n o s i:

O D L U K U

o usvajanju Akcionog plana za 2010. godinu, projekat

„Lokalno je primarno“- podrška Općinskom vijeću Općine Goražde

Član 1.

Ovom Odlukom usvaja se Akcioni plan za 2010. godinu „Lokalno je primarno“ – podrška Općinskom vijeću Općine Goražde.

Član 2.

Sastavni dio ove Odluke je projekat „Lokalno je primarno“ – općinski akcioni plan.

Član 3.

Ova Odluka stupa na snagu osmog dana od dana objavljivanja u „Službenim novinama Općine Goražde“.

Broj: 01-02-1386

Goražde, 23.03.2010. godine

PREDSJEDAVALA VIJEĆA

prim.dr.Vesna Nemeć Klisura

0425

Na osnovu člana 7. stava 2. Odluke o privremenom korištenju javnih površina na području Općine Goražde (“Službene novine Bosansko-podrinjskog kantona Goražde” broj: 16/07) i članova 18. i 84. Statuta Općine Goražde (“Službene novine Bosansko-podrinjskog kantona Goražde” broj: 13/07), Općinsko vijeće Općine Goražde, na nastavku osamnaeste redovne sjednice, održanom dana 22.03.2010. godine, **d o n o s i:**

O D L U K U

o usvajanju Elaborata o javnim površinama na području općine Goražde za 2010. i 2011. godinu

Član 1.

Ovom Odlukom usvaja se Elaborat o javnim površinama na području općine Goražde za 2010. i 2011. godinu, koje će se privremeno koristiti za namjene u skladu sa Odlukom o privremenom korištenju javnih površina na području općine Goražde.

Član 2.

Lokacije za privremeno korištenje javnih površina koristit će se u okviru sljedećih mikrolokaliteta i to:

1. Trg branilaca,
2. Alije Hodžića,
3. Kulina Bana,
4. Ibrahima Čelika,
5. Zaima Imamovića,

6. Gradska dvorana,

7. Ferida Dizdarevića,

8. 43. drinske,

9. Rasadnik,

10. Splavište,

11. 1. maj,

12. Višegradska i Salih-bega Kuljuha,

13. Titova ulica,

14. Pobjeda,

15. Dr. Karameha,

16. “Baćci”,

17. Vitkovići,

18. Mravinjac,

19. Džindići,

20. Vranići,

21. Osanica

22. Ilovača.

Član 3.

Elaborat o javnim površinama sastoji se od uvoda, grafičkog prikaza (fotokopija katastarskih planova sa ucrtanim lokacijama) i tabelarnog djela u kome su prikazani urbanističko-tehnički uvjeti, namjena i početni iznos naknade za privremeno korištenje javnih površina za postavljanje privremenih objekata.

Član 4.

Naknade za privremeno korištenje javne površine mogu se utvrditi i u višem iznosu od iznosa utvrđenih u Elaboratu, ukoliko se takav iznos naknade postigne u postupku javnog oglasa.

Član 5.

Ova Odluka stupa na snagu osmog dana od dana objavljivanja u “Službenim novinama Općine Goražde”.

Broj: 01-02-1392

Goražde, 23.03.2010. godine.

PREDSJEDAVALA VIJEĆA

prim.dr.Vesna Nemeć Klisura

0426

Na osnovu članova 18. i 84. Statuta Općine Goražde („Službene novine Bosansko-podrinjskog kantona Goražde“, broj: 13/07) i Odluke o usvajanju Programa utroška novčanih sredstava prikupljenih od prodaje

poslovnih prostora u vlasništvu Općine Goražde, utvrđivanju organa i postupaka dodjele kredita za podsticanje zapošljavanja („Službene novine Bosansko-podrinjskog kantona Goražde“, broj: 02/00, 16/06 i 12/09), Općinsko vijeće Općine Goražde, na osamnaestoj redovnoj sjednici, održanoj dana 18.03. 2010 godine, **d o n o s i :**

O D L U K U

o dodjeli kreditnih sredstava SPP “DIN” Goražde iz Namjenskog depozita Općine Goražde u cilju bržeg zapošljavanja na području općine Goražde

Član 1.

Odobravaju se kreditna sredstva u iznosu od 8.000,00 KM SPP “DIN” Goražde iz Namjenskog depozita Općine Goražde u cilju bržeg zapošljavanja na području općine Goražde, pod sljedećim uvjetima:

- Rok otplate je 84. mjeseca uz grejs period od 12 mjeseci od dana početka korištenja kreditnih sredstava;
- Kamatna stopa je 3% godišnje, uz obračun i plaćanje mjesečno unazad, najkasnije do sedmog dana u mjesecu za protekli mjesec;
- Za dodijeljenih 8.000,00 KM korisnik kredita je obavezan uposliti jednog radnika sa kojim zaključuje ugovor o radu i zadržati ga u radnom odnosu najmanje sedam (7) godina.

Član 2.

Korisnik kreditnih sredstava SPP “DIN” Goražde se obavezuje da će Općini Goražde svakog drugog mjeseca dostavljati dokaze o uplati poreza i doprinosa na ime novouposlenog radnika pod uvjetima iz člana 1. ove Odluke i to obrazac od specifikacije za isplatu plaća ovjeren od strane nadležne porezne uprave ili uvjerenje o uplatama poreza i doprinosa za uposlenog radnika uz potpis uposlenog lica.

Član 3.

Za pokriće obaveza po osnovu izdatog kredita u skladu sa tačkom 1. ove Odluke SPP “DIN” Goražde će osigurati dva žiranta prihvatljiva za Privrednu banku Sarajevo.

Član 4.

SPP “DIN” Goražde je obavezna da sredstva dugoročnog kredita vraća u jednakim mjesečnim anuitetima na transakcioni račun broj: 101140000001617 do sedmog dana u mjesecu.

U slučaju docnje SPP “DIN” Goražde sa plaćanjima anuiteta, banka ima pravo da odobreni kredit proglasi promptno dospjelim i zatraži naplatu cjelokupnog kredita zajedno sa pripadajućim dospjelim kamatama i obračunatim naknadama i troškovima.

Član 5.

U slučaju nepoštivanja odredaba ove Odluke od strane SPP “DIN” Goražde, kredit se u tom momentu smatra u cijelosti dospjelim za naplatu i banka će poduzeti sve mjere za naplatu istog.

Član 6.

Ovlašćuje se načelnik Općine Goražde da zaključi ugovor o dodjeli kreditnih sredstava iz člana 1. ove Odluke, a u skladu sa odredbama ove Odluke kojim će se regulisati bliža prava i obaveze ugovornih strana.

Ukoliko se ugovor ne zaključi u roku od 30 dana od dana stupanja na snagu ove Odluke, ista prestaje da važi.

Član 7.

Ova Odluka stupa na snagu osmog dana od dana objavljivanja u „Službenim novinama Općine Goražde“.

Broj: 01-02-1389

Goražde, 23.03.2010. godine.

PREDSJEDAVAJUĆA VIJEĆA

prim.dr.Vesna Nemeć Klisura

0427

Na osnovu člana 18. i 84. Statuta Općine Goražde („Službene novine Bosansko-podrinjskog kantona Goražde“, broj: 13/07) i Odluke o usvajanju Programa utroška novčanih sredstava prikupljenih od prodaje poslovnih prostora u vlasništvu Općine Goražde, utvrđivanju organa i postupaka dodjele kredita za podsticanje zapošljavanja („Službene novine Bosansko-podrinjskog

kantona Goražde“, broj: 02/00, 16/06 i12/09), Općinsko vijeće Općine Goražde, na osamnaestoj redovnoj sjednici, održanoj dana 18.03.2010 godine,

d o n o s i:

O D L U K U

**o dodjeli kreditnih sredstava “AŠČIĆ”
d.o.o Goražde iz Namjenskog depozita
Općine Goražde u cilju bržeg zapošljavanja
na području općine Goražde**

Član 1.

Odobravaju se kreditna sredstva u iznosu od 8.000,00 KM “AŠČIĆ” d.o.o Goražde iz Namjenskog depozita Općine Goražde u cilju bržeg zapošljavanja na području općine Goražde, pod slijedećim uvjetima:

- Rok otplate je 36 mjeseci od dana početka korištenja kreditnih sredstava;
- Kamatna stopa je 3% godišnje, uz obračun i plaćanje mjesečno unazad, najkasnije do sedmog dana u mjesecu za protekli mjesec;
- Za dodijeljenih 8.000,00 KM korisnik kredita je obavezan uposliti jednog radnika sa kojim zaključuje ugovor o radu i zadržati ga u radnom odnosu najmanje tri (3) godine.

Član 2.

Korisnik kreditnih sredstava, “AŠČIĆ” d.o.o Goražde, se obavezuje da će Općini Goražde svakog drugog mjeseca dostavljati dokaze o uplati poreza i doprinosa na ime novouposlenog radnika pod uvjetima iz člana 1. ove Odluke i to obrazac od specifikacije za isplatu plaća ovjeren od strane nadležne porezne uprave ili uvjerenje o uplatama poreza i doprinosa za uposlenog radnika uz potpis uposlenog lica.

Član 3.

Za pokriće obaveza po osnovu izdatog kredita u skladu sa tačkom 1. ove Odluke “AŠČIĆ” d.o.o Goražde će osigurati dva žiranta prihvatljiva za Privrednu banku Sarajevo.

Član 4.

“AŠČIĆ” d.o.o Goražde je obavezno da sredstva dugoročnog kredita vraća u jednakim mjesečnim anuitetima na transakcioni račun broj: 101140000001617 do sedmog dana u mjesecu.

U slučaju dcnje “AŠČIĆ” d.o.o Goražde sa plaćanjima anuiteta, banka ima pravo da odobreni kredit proglasi promptno dospjelim i zatraži naplatu cjelokupnog kredita zajedno sa pripadajućim dospjelim kamatama i obračunatim naknadama i troškovima.

Član 5.

U slučaju nepoštivanja odredaba ove Odluke od strane “AŠČIĆ” d.o.o Goražde, kredit se u tom momentu smatra u cijelosti dospjelim za naplatu i banka će poduzeti sve mjere za naplatu istog.

Član 6.

Ovlašćuje se načelnik Općine Goražde da zaključi ugovor o dodjeli kreditnih sredstava iz člana 1. ove Odluke, a u skladu sa odredbama ove Odluke kojim će se regulisati bliža prava i obaveze ugovornih strana.

Ukoliko se ugovor ne zaključi u roku od 30 dana od dana stupanja na snagu ove Odluke, ista prestaje da važi.

Član 7.

Ova Odluka stupa na snagu osmog dana od dana objavljivanja u „Službenim novinama Općine Goražde“.

Broj: 01-02-1388
Goražde, 23.03.2010. godine.

PREDSJEDAVAJUĆA VIJEĆA

prim.dr.Vesna Nemeć Klisura

0428

Na osnovu članova 2. i 3. Zakona o javnim preduzećima u Federaciji Bosne i Hercegovine („Službene novine Federacije BiH“, broj: 8/05), člana 311. Zakona o privrednim društvima („Službene novine F

BiH“ br. 23/99), člana 4. stav 1. Zakona o komunalnim djelatnostima („Službeni list SR BiH“, broj: 20/90), koji je preuzet kao Federalni zakon, članova 11. i 18. alineja 17. Statuta Općine Goražde („Službene novine Bosansko-podrinjskog kantona Goražde“, broj: 13/07), Općinsko vijeće Općine Goražde, na osamnaestoj redovnoj sjednici, održanoj dana 18.03.2010. godine, **d o n o s i:**

O D L U K U

o osnivanju javnog preduzeća za izgradnju i upravljanje regionalnom sanitarnom deponijom čvrstog komunalnog otpada

Član 1.

Ovom Odlukom odabrava se Općini Goražde da zajedno sa ostalim općinama gornjedrinskog regiona: Rogatica, Višegrad, Novo Goražde, Čajniče, Foča, Foča – Ustikolina i Pale – Prača, osnuje javno preduzeće sa ograničenom odgovornošću za izgradnju i upravljanje regionalnom sanitarnom deponijom čvrstog komunalnog otpada.

Član 2.

Javno preduzeće iz člana 1. ove Odluke osnovat će općine sa gornjedrinskog regiona ulaganjem vlastitih sredstava u osnivački ulog u skladu sa zakonom, a u visini i omjerima kako to bude regulisano osnivačkim ugovorom.

Član 3.

Sjedište budućeg javnog preduzeća bit će u općini Goražde.

Naziv firme bit će „Ekoprodukt“ d.o.o. Goražde.

Obaveza preduzeća je da pribavi svu potrebnu dokumentaciju za izgradnju deponije, kao i da po njenoj izgradnji upravlja istom.

Član 4.

Ovlašćuje se načelnik Općine Goražde da sa ostalim općinama iz člana 1. ove Odluke zaključi ugovor o osnivanju javnog preduzeća kao društva sa ograničenom odgovornošću za upravljanje regionalnom sanitarnom deponijom, a kojim će se utvrditi prava i obaveze osnivača, visina osnivačkih uloga, udjela u dobiti, djelatnost društva, kao i odgovornost za obaveze javnog preduzeća.

Po pribavljenom mišljenju općinskog pravobranioca, Općinsko vijeće Općine

Goražde će dati saglasnost na ugovor iz prethodnog stava.

Član 5.

Ova Odluka stupa na snagu osmog dana od dana objavljivanja u „Službenim novinama Općine Goražde“.

Broj: 01-02-1384

Goražde, 23.03.2010. godine

PREDSJEDAVALA VIJEĆA

prim.dr.Vesna Nemeč Klisura

0429

Na osnovu člana 15. stav 3. Odluke o jedinstvenom načinu ustupanja, korištenja i zaštite poslovnih prostorija i zgrada u vlasništvu Općine Goražde (“Službene novine Bosansko-podrinjskog kantona Goražde”, broj: 01/08 i “Službene novine Općine Goražde”, broj: 03/08 i 01/09) i članova 18. i 84. Statuta Općine Goražde (“Službene novine Bosansko-podrinjskog kantona Goražde”, broj: 13/07), Općinsko vijeće Goražde, na osamnaestoj redovnoj sjednici, održanoj dana 18.03.2010. godine, **d o n o s i:**

O D L U K U

o davanju u zakup poslovnih prostorija u vlasništvu Općine Goražde

Član 1.

Općina Goražde daje u zakup, na osnovu javnog oglašavanja, na određeno vrijeme, na rok od 5 godina, poslovni prostor površine 116 m², koji se nalazi u naselju Vranići b.b. (otkupna stanica), Goražde, **obrtničkoj radnji “NUR”, vlasnika Hadžić Muamera**, za obavljanje obrtničke djelatnosti uz mjesečnu zakupninu od **2,00 KM + PDV** po m², što ukupno iznosi **271,44 KM**.

Član 2.

Ovlašćuje se načelnik Općine da zaključi ugovor o zakupu poslovnih prostora iz člana 1. ove Odluke, kojim će se regulisati bliža prava i obaveze ugovornih strana.

Član 3.

Ukoliko Općina Goražde sa licem iz člana 1. ne zaključi ugovor o korištenju ovih poslovnih prostorija u roku od 30 dana od dana stupanja na snagu ove Odluke, ista prestaje da važi.

Član 4.

Budući zakupac je dužan vršiti redovno održavanje poslovnih prostorija te ih održavati u ispravnom stanju o vlastitom trošku i plaćati režijske troškove (struja, voda, kanalizacija i dr.) koji nastanu po osnovu korištenja poslovnih prostorija.

Član 5.

Ova Odluka stupa na snagu osmog dana od dana objavljivanja u "Službenim novinama Općine Goražde".

Broj: 01-02-1387

Goražde, 23.03.2010. godine

PREDSJEDAVALA VIJEĆA

prim.dr.Vesna Nemeć Klisura

0430

Na osnovu člana 38. stav 1. Zakona o prostornom uređenju i građenju Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 15/09) i članova 18. i 84. Statuta Općine Goražde („Službene novine Bosansko-podrinjskog kantona Goražde“, broj: 13/07), Općinsko vijeće Općine Goražde, na sjednici održanoj dana 18.03.2010. godine, **d o n o s i:**

O D L U K U

o pristupanju izradi izmjena Regulacionog plana „Centar“ Goražde

Član 1.

Ovom Odlukom pristupa se izradi izmjena Regulacionog plana „Centar“ Goražde („Službene novine Bosansko-podrinjskog kantona Goražde“, broj: 4/98 i 4/06).

Član 2.

Granicu obuhvata izmjena Regulacionog plana „Centar“ Goražde čine granice Regulacionog plana utvrđene Odlukom o usvajanju i provođenju Regulacionog plana „Centar“ Goražde.

Član 3.

Nosilac priprema za izradu izmjena Regulacionog plana „Centar“ Goražde je načelnik Općine Goražde putem Službe za prostorno uređenje i komunalne poslove.

Nosilac izrade navedenog plana bit će odabran u skladu sa odredbama Zakona o javnim nabavkama u Bosni i Hercegovini („Službeni glasnik BiH“, broj: 49/04 i 19/05).

Član 4.

Sredstva za izradu plana bit će osigurana iz sredstava koja se nalaze na računu za posebne namjene Općine Goražde.

Član 5.

Rokovi izrade Regulacionog plana su:

- pribavljanje analitičko – dokumentacione osnove i idejno rješenje.....30 dana,
- izrada prednacrt i utvrđivanje nacrt.....90 dana,
- Javna rasprava60 dana,
- Izrada prijedloga RP.....30 dana,
- Razmatranje i usvajanje plana.

Član 6.

Ova Odluka stupa na snagu osmog dana od dana objavljivanja u „Službenim novinama Općine Goražde“.

Broj: 01-02-1391

Goražde, 23.03.2010. godine

PREDSJEDAVALA VIJEĆA

prim.dr.Vesna Nemeć Klisura

0431

Na osnovu članova 18. i 84. Statuta Općine Goražde („Službene novine Bosansko-podrinjskog kantona Goražde“, broj: 13/07), Općinsko vijeće Općine Goražde, na osamnaestoj redovnoj sjednici, održanoj dana 18.03.2010. godine, **d o n o s i:**

ODLUKU

o javnim priznanjima Općine Goražde

I OPĆE ODREDBE

Član 1.

Ovom Odlukom uređuju se javna priznanja Općine Goražde, kriteriji za utvrđivanje prijedloga za dodjelu javnih priznanja, postupak dodjele, uvjeti i način dodjele javnih priznanja, prelazne i završne odredbe.

Član 2.

U cilju odavanja javnog priznanja pravnim i fizičkim licima za iznimna dostignuća i lični doprinos za razvoj i ugled Općine Goražde, a naročito za uspjehe u unapređivanju privrede, zapošljavanju, nauci, kulturi, sportu, socijalnoj zaštiti, unapređivanju prirodnog okoliša te drugih javnih djelatnosti i poticanju aktivnosti koje su tome usmjerene, Općina Goražde ustanovljava javna priznanja pod nazivom:

1. Počasni građanin Općine Goražde,
2. Zlatna plaketa Općine Goražde,
3. Srebrna plaketa Općine Goražde,
4. Prijatelj/Prijateljica Goražda.

Ova javna priznanja mogu se dodijeliti i posthumno.

II JAVNA PRIZNANJA OPĆINE GORAŽDE

Član 3.

1. Počasni građanin Općine Goražde

Javno priznanje „Počasni građanin Općine Goražde“ u pisanom obliku dodjeljuje se osobi posebno zaslužnoj za promicanje vrijednosti demokratskog društva, položaja i ugleda Općine Goražde, njenih odnosa s drugim gradovima u zemlji i inostranstvu te za razvoj Općine Goražde ili pojedinih njenih djelatnosti.

Član 4.

Javno priznanje „Počasni građanin Općine Goražde“ dodjeljuje se građanima Bosne i Hercegovine, a počasnim građaninom mogu se proglasiti i državnik ili dužnosnik

druge države, član međunarodne organizacije, odnosno organizacije druge države ili njihovih tijela, udruženja i druge osobe posebno zaslužne za Općinu Goražde i Bosnu i Hercegovinu u promociji njenog suvereniteta, samostalnosti, stabilnosti i ugleda na općeprihvaćenim načelima savremenog svijeta.

Javno priznanje „Počasni građanin Općine Goražde“ ne dodjeljuje se građanima Općine Goražde.

Član 5.

Osobi koja je proglašena počasnim građaninom Općine Goražde uručuje se plaketa „Počasni građanin Općine Goražde“.

Član 6.

Plaketa počasnog građanina Općine Goražde izrađena je od bakra ili mjedi, sa pozlatom, sa grbom Općine Goražde s prednje strane i motivom Općine Goražde u poledini, zajedno s pločicom na koju se upisuje: ime i prezime osobe, proglašava se „POČASNIM GRAĐANINOM OPĆINE GORAŽDE“, Općina Goražde, datum sjednice Općinskog vijeća na kojoj je donijeta odluka i na kraju Općinsko vijeće Općine Goražde.

U jednoj godini može se dodijeliti samo jedno javno priznanje „Počasni građanin Općine Goražde“.

Javno priznanje „Počasni građanin Općine Goražde“ istoj osobi se može dodijeliti samo jedanput.

2. Zlatna plaketa Općine Goražde

Član 7.

Javno priznanje „Zlatna plaketa Općine Goražde“, kao posebno javno priznanje, dodjeljuje se fizičkim i pravnim licima za izuzetna ostvarenja u svim područjima djelatnosti privrednog i društvenog života Općine Goražde.

Član 8.

Javno priznanje „Zlatna plaketa Općine Goražde“ može se dodjeljivati građanima Općine Goražde, njihovim udruženjima, drugim lokalnim zajednicama, ustanovama, preduzećima, vjerskim zajednicama te drugim pravnim licima za iznimna dostignuća, akcije i

doprinosu u kontinuiranom, dugogodišnjem radu i djelovanju kojima lično doprinose razvoju i boljitku Općine Goražde ili pojedinih njenih djelatnosti.

Pod kontinuiranim dugogodišnjim radom smatra se period od najmanje pet godina.

Član 9.

Javno priznanje „Zlatna plaketa Općine Goražde“ je od bakra ili mjedi s pozlatom, pravokutnog oblika, dimenzija 75 x 85 mm, sa grbom Općine Goražde. Plaketa je smještena u etu, veličine 200 x 130 mm, zajedno s pločicom na koju se upisuje: ime i prezime osobe ili naziv pravnog lica, dodjeljuje se javno priznanje „Zlatna plaketa Općine Goražde“, datum sjednice Općinskog vijeća na kojoj je donijeta odluka i na kraju Općinsko vijeće Općine Goražde.

U jednoj godini može se dodijeliti samo jedno javno priznanje „Zlatna plaketa Općine Goražde“.

3. Srebrna plaketa

Član 10.

Javno priznanje „Srebrna plaketa Općine Goražde“, kao posebno javno priznanje, dodjeljuje se fizičkim i pravnim licima za iznimna dostignuća, akcije i doprinose u oblasti privrednih, društvenih i javnih djelatnosti od posebnog općeg društvenog značaja za razvoj, ugled i promovisanje Općine Goražde, za protekli trogodišnji period.

U jednoj godini mogu se dodijeliti najviše dva javna priznanja „Srebrna plaketa Općine Goražde“.

Član 11.

Javno priznanje „Srebrna plaketa Općine Goražde“ je od bakra ili mjedi, posrebrna, pravokutnog oblika, dimenzija 75 x 85 mm, sa grbom Općine Goražde. Plaketa je smještena u etu, veličine 200 x 130 mm, zajedno s pločicom na koju se upisuje: ime i prezime osobe ili naziv pravnog lica, dodjeljuje se javno priznanje „Srebrna plaketa Općine Goražde“, datum sjednice Općinskog vijeća na kojoj je donijeta odluka i na kraju Općinsko vijeće Općine Goražde.

Član 12.

1. Prijatelj/prijateljica Općine Goražde

Javno priznanje „Prijatelj/prijateljica Općine Goražde“ dodjeljuje se građanima koji nemaju prebivalište na području Općine Goražde za izuzetan doprinos u razvoju kulture, civilnog društva, sporta, turizma i drugih vrijednosti koje na najbolji način promovišu i afirmišu pozitivan imidž Općine Goražde u Evropi i svijetu za protekli dvogodišnji period.

Član 13.

Javno priznanje „Prijatelj/prijateljica Općine Goražde“ će se dodjeljivati tokom manifestacije „Festival projaateljstva“ i drugih kulturnih i javnih manifestacija.

U jednoj godini mogu se dodijeliti najviše dva javna priznanja „Prijatelj/prijateljica Općine Goražde“.

Član 14.

Javno priznanje „Prijatelj/prijateljica Općine Goražde“ je od bakra pravokutnog oblika, dimenzija 75 x 85 mm, sa grbom Općine Goražde. Plaketa je smještena u etu, veličine 200 x 130 mm, zajedno s pločicom na koju se upisuje ime i prezime osobe ili naziv pravnog lica, dodjeljuje se javno priznanje „Prijatelj/prijateljica Općine Goražde“, datum sjednice Općinskog vijeća na kojoj je donijeta odluka i na kraju Općinsko vijeće Općine Goražde.

III KRITERIJI ZA UTVRĐIVANJE PRIJEDLOGA ZA DODJELU JAVNIH PRIZANJA

Član 15.

Za dodjelu javnih priznanja iz članova 3 – 13. ove Odluke mogu se predložiti pravna i fizička lica prema sljedećim kriterijima:

a) PODRUČJE PRIVREDE

Pravna lica iz područja privrede mogu se predložiti za dodjelu javnih priznanja ukoliko su u određenim periodima, ovisno o vrsti predloženog javnog priznanja, ostvarile dobre privredne rezultate u svom poslovanju, kako u pogledu finansijskih pokazatelja tako i u

smislu značajnijeg investiranja ili zapošljavanja novih radnika ili investiranja u pravcu zadržavanja postojećeg zapošljenja i modernizacije proizvodnje, ili koje su ostvarile značajnije izvozne rezultate, te koje su osmišljavanjem novih proizvodno-tehnoloških postupaka, restrukturiranjem, ili novim proizvodom na tržištu ostvarile nove perspektive u razvoju privrednih djelatnosti na području općine Goražde.

Pravna lica iz područja privrede ne mogu se predložiti na dodjelu javnih priznanja ukoliko su u prethodnom razdoblju, ovisno za koje se priznanje predlažu, poslovala sa gubitkom, smanjivala broj zaposlenih, ili nisu izmirivala zakonske obveze, a posebno obveze prema Općini Goražde.

Prethodno utvrđeni kriteriji primjenjuju se i na prijedloge za dodjelu javnih priznanja čelnim osobama u pravnim licima u privredi (direktorima, predsjednicima i članovima uprava, vlasnicima malih i srednjih preduzeća, obrtnicima i dr).

Kod utvrđivanja ispunjavanja kriterija za dodjelu javnih priznanja pravnim ili fizičkim licima u privrednim djelatnostima odbor za dodjelu javnih priznanja će zatražiti prethodno mišljenje Službe za privredu Općine Goražde, koja je dužna pratiti privredne pokazatelje putem podataka nadležnih statističkih službi, Zavoda za zapošljavanje i na drugi pogodan način, te podataka iz Privredne komore Bosansko-podrinjskog kantona Goražde i Obrtničke komore Bosansko-podrinjskog kantona Goražde.

b) PODRUČJE DRUŠTVENIH DJELATNOSTI

Pravna i fizička lica iz područja društvenih djelatnosti (kultura, umjetnost, prosvjeta, predškolski odgoj, sport, tehnička kultura, humanitarno-socijalne i zdravstvene djelatnosti, turističke djelatnosti, informisanje i dr.) mogu se predložiti za dodjelu javnog priznanja iz članova 3 – 13. ove Odluke, ukoliko su u određenom razdoblju, ovisno o vrsti predloženog priznanja, ostvarile iznimne rezultate u radu, odnosno, u djelatnostima kojima se bave, i time doprinijele ukupnoj promociji Općine Goražde.

Prilikom utvrđivanja prijedloga za dodjelu javnih priznanja pravnim ili fizičkim licima iz područja društvenih djelatnosti, odbor za dodjelu javnih priznanja zatražit će

prethodno mišljenje Službe za javne servise i tehničke poslove nadležne za praćenje i koordinaciju rada društvenih djelatnosti, te po potrebi i drugih institucija u društvenim djelatnostima (Sportski savez, vatrogasne jedinice i dr.), a u pravcu iznalaženja najkvalitetnijih prijedloga za dodjelu javnih priznanja. Pravna lica iz područja društvenih djelatnosti ne mogu se predložiti za dodjelu javnih priznanja ukoliko u prethodnom razdoblju, ovisno za koje se priznanje predlažu, nisu uredno dostavljala izvještaje o svom radu načelniku i Općinskom vijeću, ili su dostavljeni izvještaji bili ocijenjeni manjkavima, ili ako u svom radu nisu namjenski trošila finansijska sredstva podrške Općine Goražde. Za pravna lica iz područja društvenih djelatnosti, uz inicijalni prijedlog za dodjelu javnog priznanja, obavezno se dostavlja i izvještaj o radu za određeno period, ovisno o vrsti predloženog priznanja.

Član 16.

Pravna ili fizička lica u pravilu ne mogu biti ponovno predložena za dodjelu javnog priznanja za iste zasluge prije proteka određenog perioda, ovisno o vrsti javnog priznanja, odnosno za javno priznanje „Zlatna plaketa Općine Goražde“ nakon proteka 5 godina, za javno priznanje „Srebrna plaketa Općine Goražde“ nakon proteka 3 godine, a za javno priznanje „Prijatelj/prijateljica Goražda“ nakon proteka 2 godine od prethodne dodjele.

Također, za iste zasluge ne mogu biti predloženi, niti im se može dodijeliti javno priznanje nižeg ranga od već dodijeljenog javnog priznanja.

Izuzetno, uz posebno obrazloženje odbora za dodjelu javnih priznanja o posebnim zaslugama i razlozima za dodjelu priznanja, rokovi iz prethodnog stava mogu biti skraćeni.

Član 17.

Registrirane političke stranke koje djeluju na području općine Goražde mogu podnositi inicijalne prijedloge za dodjelu javnih priznanja pravnim ili fizičkim licima, ali samo za zasluge u privrednim i društvenim djelatnostima, isključujući političke zasluge.

U postupku predlaganja kandidata za javna priznanja Općine Goražde ne mogu se

predlagati političke partije, kao ni organi i tijela istih.

IV POSTUPAK DODJELE JAVNIH PRIZNANJA

Član 18.

Odbor za dodjelu javnih priznanja i načelnik Općine Goražde pokreću postupak za dodjelu javnih priznanja svake godine upućivanjem poziva za davanje prijedloga za dodjelu javnih priznanja Općine Goražde.

Javni poziv se oglašava putem sredstava javnog informisanja: RTV Bosansko-podrinjskog kantona Goražde, dnevnom listu, web-stranici Općine Goražde i oglasnoj ploči Općine Goražde.

Član 19.

Prijedlog za dodjelu javnog priznanja „Počasni građanin Općine Goražde“ mogu podnijeti:

- načelnik Općine Goražde,
- pet vijećnika Općinskog vijeća.

Član 20.

Inicijalne prijedloge za dodjelu svih ostalih javnih priznanja Općine Goražde mogu dati fizička ili pravna lica, i to:

- načelnik i upravna tijela Općine Goražde,
- građani Općine Goražde
- vijećnik Općinskog vijeća,
- preduzeća i druga pravna lica,
- tijela mjesnih zajednica,
- udruženja,
- vjerske zajednice,
- humanitarne organizacije.

Član 21.

Javni poziv posebno sadrži:

- kriterije za dodjelu javnih priznanja,
- rok za podnošenje prijedloga, koji ne može biti kraći od 30 dana.

Član 22.

Inicijalni prijedlozi za dodjelu javnih priznanja Općine Goražde dostavljaju se odboru za dodjelu javnih priznanja, najkasnije 60 dana prije obilježavanja Dana Općine Goražde (18. septembra), a ukoliko se radi o drugim manifestacijama, najkasnije 45 dana prije održavanja manifestacije.

Član 23.

Inicijalni prijedlozi za dodjelu javnih priznanja moraju biti u pisanom obliku sa detaljnim podacima o pravnom ili fizičkom licu koje se predlaže za dodjelu određenog priznanja, a sadrže slijedeće:

- a) za pojedince
 - opći podaci: naziv lica, mjesto, adresa, telefon, datum rođenja, zanimanje, radno mjesto,
 - posebni podaci: biografija kandidata, tok njegovog rada i ostvarenih rezultata i temeljito obrazloženje razloga predlaganja.
- b) za pravna lica
 - opći podaci: naziv pravnog lica, mjesto, adresa, tel/fax, ovlašteno lice, datum osnivanja, registrirana djelatnost, oblik vlasništva (privatno, državno, mješovito; strano ulaganje – u procentima).
 - posebni podaci za privredne djelatnosti (opisno u prilogu prijave): zahtjevni kriterij za prethodne godine u zavisnosti za koje javno priznanje se prijavljuje, broj zaposlenih, ukupan prihod, udio izvoza u ukupnom prihodu, izvoz po zaposlenom, vlastiti kapital i rezerve, dobit po zaposlenom, prosječna plaća, investicijska ulaganja, unapređenje organizacije rada i poslovanja (ISO standardi, inovacije, racionalizacije), ulaganje u edukaciju zaposlenih, postignute nagrade i priznanja, reference, rezultati poslovanja sa obrazloženjem zasluga u pojedinoj oblasti privrednog ili društvenog života od posebnog interesa za Općinu Goražde.
 - posebni podaci za društvene djelatnosti (opisno u prilogu prijave): zahtjevni kriterij za prethodne godine u zavisnosti za koje javno priznanje se prijavljuje, broj priznanja, broj ostvarenih rezultata, broj uposlenih i broj volontera, struktura organizacije, zapisnik sa posljednje održane

sjednice skupštine, broj članova udruženja, prostori i objekti, prihodi itd.

Uz prijedlog se prilaže odgovarajuća dokumentacija - objavljeni rad, analize, prikazi, kritike, pisanje stručnog i drugog časopisa, natjecateljski rezultati i sl.

Na zahtjev odbora predlagatelj je dužan naknadno dostaviti dopunske podatke i dokumentaciju, čiji rok za dostavu ne smije biti veći od 7 dana.

Inicijalni prijedlog mora biti potpisan od ovlaštene lica i ovjeren pečatom pravnog lica ili druge organizacije iz članova 17. i 18. ove Odluke.

Član 24.

Prijedloge za dodjelu javnih priznanja utvrđuje odbor za javna priznanja Općine Goražde (u tekstu koji slijedi: odbor).

Odbor iz prethodnog stavka broji 7 članova. Predsjednika i članove odbora imenuje Općinsko vijeće Općine Goražde na period podudaran sa mandatom vijećnika Općinskog vijeća Općine Goražde. U slučaju spriječenosti predsjednika, zamjenjuje ga zamjenik odbora.

Član 25.

Odbor za javna priznanja, nakon prispjeća određenog broja inicijalnih prijedloga, na svojoj sjednici utvrđuje broj i vrstu javnih priznanja koja će se predložiti za dodjelu povodom Dana Općine Goražde ili određene manifestacije te utvrđuje prijedlog odluke o dodjeli javnih priznanja.

Prijedlog odluke mora biti obrazložen pismeno u materijalima te usmeno na sjednici Općinskog vijeća.

Član 26.

Odbor radi na sjednicama prema dnevnom redu koji sam utvrđuje.

Prispjele prijedloge mogu razgledati samo članovi odbora, a ostale osobe samo po odobrenju predsjednika odbora, a uvid se vrši kod sekretara Općinskog vijeća Općine Goražde.

Sjednice odbora priprema i saziva predsjednik odbora, odnosno osoba koja ga zamjenjuje, pisanim pozivom, u pravilu najmanje pet dana prije održavanja sjednice.

Na sjednicama odbora vodi se zapisnik.

Član 27.

U svrhu obrade prijedloga i utvrđivanja kandidata za dodjelu javnog priznanja, odbor može zadužiti pojedine članove da razmotre i obrade dostavljene prijedloge iz pojedinih područja, a po potrebi obaviti konsultacije i pribaviti mišljenja poznavatelja djelatnosti područja djelovanja na koje se priznanje odnosi.

Ukoliko se za dodjelu predlažu strani državljani ili udruženja te međunarodna organizacija ili međunarodno udruženje, za potrebe odbora se pribavlja mišljenje državnih tijela nadležnih za poslove odnosa s inostranstvom.

Član 28.

Nakon provedene rasprave o podnesenom prijedlogu, odbor donosi zaključak o utvrđivanju prijedloga odluke za dodjelu priznanja. Kada je za dodjelu priznanja predložen neki od članova odbora, on se isključuje iz rada odbora po prijedlozima za određeno priznanje za koje je predložen.

Zaključak iz stava 1. ovog člana odbor utvrđuje javnim glasovanjem svojih članova.

Zaključak je donesen ukoliko se za njega izjasni većina od ukupnog broja članova odbora.

Član odbora koji se ne složi sa zaključkom može tražiti da se njegovo odvojeno mišljenje s obrazloženjem unese u zapisnik sjednice.

Član 29.

Nakon završenog postupka utvrđivanja prijedloga kandidata za dodjelu priznanja, prijedlog se upućuje Općinskom vijeću Općine Goražde na razmatranje.

Općinsko vijeće odlučuje isključivo o prijedlozima odbora.

Odluku o dodjeli javnih priznanja donosi Općinsko vijeće na svojoj redovnoj ili vanrednoj sjednici koja prethodi svečanoj sjednici, s tim da se uručivanje javnog priznanja vrši na svečanoj sjednici.

Iznimno, uručivanje javnih priznanja može se u pojedinim slučajevima upriličiti i na drugi pogodan način, prilikom održavanja javnih skupova, svečanih akademija, festivala ili manifestacija ukoliko se za to ukaže potreba u toku kalendarske godine.

Član 30.

Javno priznanje uručuju načelnik i predsjednik Općinskog vijeća Općine Goražde.

Član 31.

O dodijeljenim javnim priznanjima Općine Goražde vodi se posebna evidencija pri Službi za javne servise i tehničke poslove Općine Goražde.

U interesu zaštite ugleda kandidata i neovisnosti tijela koja sudjeluju u odlučivanju o javnim priznanjima, postupak predlaganja dodjele odvija se bez uvida javnosti.

Član 32.

Organizacije kojima su dodijeljena javna priznanja Općine Goražde osiguravaju da se znaci priznanja (pismeno priznanje, plakete) drže izloženi na dostojan način na prikladnom istaknutom mjestu.

Član 33.

Ukoliko poslije smrti nositelja javnog priznanja Općine Goražde ne postoje članovi porodice koji mogu zadržati dodijeljeno priznanje, znaci priznanja (pismeno priznanje, plaketa) se vraćaju Općini Goražde.

Član 34.

Kad pravno lice - dobitnik javnog priznanja Općine Goražde prestane postojati bez pravnog sljedbenika, znaci priznanja se vraćaju Općini Goražde.

Član 35.

Stručne i administrativno-tehničke poslove za odbor za dodjelu javnih priznanja vodi Služba za javne servise i tehničke poslove, a financijsko-računovodstvene Služba za finansije, privredu i mjesne zajednice Općine Goražde

V PRELAZNE I ZAVRŠNE ODREDBE**Član 36.**

Sredstva za provedbu ove Odluke osiguravaju se u Budžetu Općine Goražde za svaku godinu posebno, na prijedlog Službe za

javne servise i tehničke poslove Općine Goražde.

Član 37.

Danom stupanja na snagu ove Odluke, prestaje važiti Odluka o utvrđivanju javnih priznanja Općine Goražde („Službene novine Bosansko-podrinjskog kantona Goražde“ broj: 2/05 i 11/06) i Pravilnik o kriterijima i mjerilima za dodjelu općinskih priznanja Općine Goražde („Službene novine Bosansko-podrinjskog kantona Goražde“, broj: 2/05 i 11/06).

Član 38.

Ova Odluka stupa na snagu osmog dana od dana objavljivanja u „Službenim novinama Općine Goražde“.

Broj: 01-02- 1385

Goražde, 23.03.2010.godine

PREDSJEDAVALA VIJEĆA

prim.dr.Vesna Nemeć Klisura

ZAKLJUČCI

0432

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj: 2/08), Općinsko vijeće Općine Goražde, na nastavku osamnaeste redovne sjednice, održanom dana 22.03.2010. godine, **d o n o s i:**

Z A K L J U Č A K

1. Da se pokrene aktivnost na izradi nosača i tabli na stubovima na području grada koji bi se iznajmljivali zainteresovanim licima radi plakatiranja i isticanja reklama.
2. Zaključak stupa na snagu danom donošenja.

Broj: 01-05-1581

Goražde, 29.03.2010. godine

PREDSJEDAVALA VIJEĆA

prim.dr.Vesna Nemeć Klisura

0433

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj: 2/08), Općinsko vijeće Općine Goražde, na osamnaestoj redovnoj sjednici, održanoj dana 18.03.2010. godine, **d o n o s i:**

Z A K L J U Č A K

1. Usvaja se Izvještaj o radu i izvršenju Programa rada Općinskog vijeća Općine Goražde za 2009. godinu.
2. Zaključak stupa na snagu danom donošenja.

Broj: 01-05-1554

Goražde, 26.03.2010. godine

PREDSJEDAVAJUĆA VIJEĆA

prim.dr.Vesna Nemeć Klisura

0434

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj: 2/08), Općinsko vijeće Općine Goražde, na osamnaestoj redovnoj sjednici, održanoj dana 18.03.2010. godine, **d o n o s i:**

Z A K L J U Č A K

1. Ne usvaja se Rješenje o odbijanju zahtjeva Tafro Seada iz Goražda za utvrđivanje prava vlasništva na zemljištu.
2. Zaključak stupa na snagu danom donošenja.

Broj: 01-05-1395

Goražde, 23.03.2010. godine

PREDSJEDAVAJUĆA VIJEĆA

prim.dr.Vesna Nemeć Klisura

0435

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj: 2/08), Općinsko vijeće Općine Goražde, na osamnaestoj redovnoj sjednici, održanoj dana 18.03.2010. godine, **d o n o s i:**

Z A K L J U Č A K

1. Ne usvaja se prijedlog Odluke o utvrđivanju prosječne cijene 1 m² izgrađenog stambenog prostora za 2010. godinu na području općine Goražde.
2. Zaključak stupa na snagu danom donošenja.

Broj: 01-05-1394

Goražde, 23.03.2010. godine

PREDSJEDAVAJUĆA VIJEĆA

prim.dr.Vesna Nemeć Klisura

0436

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj: 2/08), Općinsko vijeće Općine Goražde, na osamnaestoj redovnoj sjednici, održanoj dana 18.03.2010. godine, **d o n o s i:**

Z A K L J U Č A K

1. Da prije zaključivanja ugovora iz člana 3. Odluke o pristupanju izgradnji regionalne sanitarne deponije čvrstog komunalnog otpada na lokaciji Trešnjica, općina Goražde, iste razmatra Općinsko vijeće Općine Goražde.
2. Zaključak stupa na snagu danom donošenja.

Broj: 01-05-1397

Goražde, 23.03.2010. godine

PREDSJEDAVAJUĆA VIJEĆA

prim.dr.Vesna Nemeć Klisura

0437

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj: 2/08), Općinsko vijeće Općine Goražde, na nastavku osamnaeste redovne sjednice, održanom dana 22.03.2010. godine, **d o n o s i:**

Z A K L J U Č A K

1. Da se taksi štand kod autobuske stanice asfaltira i obilježi iz namjenskih sredstava od javnih površina.
2. Zaključak stupa na snagu danom donošenja.

Broj: 01-05-1580

Goražde, 29.03.2010. godine

PREDSJEDAVALA VIJEĆA

prim.dr.Vesna Nemeč Klisura

0438

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj: 2/08), Općinsko vijeće Općine Goražde, na osamnaestoj redovnoj sjednici, održanoj dana 18.03.2010. godine, **d o n o s i:**

Z A K L J U Č A K

1. Usvaja se Izvještaj o radu Službe za poslove Općinskog vijeća Općine Goražde za 2009. godinu.
2. Zaključak stupa na snagu danom donošenja.

Broj: 01-05-1553

Goražde, 26.03.2010. godine

PREDSJEDAVALA VIJEĆA

prim.dr.Vesna Nemeč Klisura

0439

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj: 2/08), Općinsko vijeće Općine Goražde, na osamnaestoj redovnoj sjednici, održanoj dana 18.03.2010. godine, **d o n o s i:**

Z A K L J U Č A K

1. Zadužuje se predsjedavajuća Općinskog vijeća, zamjenik predsjedavajuće i sekretar Vijeća da zajedno sa predstavnicima OSCE-a, kancelarija u Foči, usklade vremenske okvire iz Akcionog plana za 2010. godinu projekat „Lokalno je primarno“-podrška Općinskom vijeću Općine Goražde u skladu sa mogućom realizacijom.
2. Zaključak stupa na snagu danom donošenja.

Broj: 01-05-1552

Goražde, 26.03.2010. godine

PREDSJEDAVALA VIJEĆA

prim.dr.Vesna Nemeč Klisura

0440

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj: 2/08), Općinsko vijeće Općine Goražde, na osamnaestoj redovnoj sjednici, održanoj dana 18.03.2010. godine, **d o n o s i:**

Z A K L J U Č A K

1. Ne usvaja se prijedlog odluke o kreditnom zaduženju Općine Goražde.
2. Zaključak stupa na snagu danom donošenja.

Broj: 01-05-1396

Goražde, 23.03.2010. godine

PREDSJEDAVALA VIJEĆA

prim.dr.Vesna Nemeč Klisura

0441

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj: 2/08), Općinsko

vijeće Općine Goražde, na osamnaestoj redovnoj sjednici, održanoj dana 18.03.2010. godine, **d o n o s i:**

Z A K L J U Č A K

1. Odgada se izjašnjavanje o tački dnevnog reda Izvještaj o realizaciji zaključaka sa prethodne sjednice Općinskog vijeća Općine Goražde do naredne sjednice.
2. Zaključak stupa na snagu danom donošenja.

Broj: 01-05-1393

Goražde, 23.03.2010. godine

PREDSJEDAVAJUĆA VIJEĆA

prim.dr.Vesna Nemic Klisura

0442

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj: 2/08), Općinsko vijeće Općine Goražde, na osamnaestoj redovnoj sjednici, održanoj dana 18.03.2010. godine, **d o n o s i:**

Z A K L J U Č A K

1. Javno preduzeće za izgradnju i upravljanje regionalnom sanitarnom deponijom čvrstog komunalnog otpada preuzet će sve poslove vezane za izgradnju sanitarne deponije, uključujući i izuzimanje zemljišta.
2. Zaključak stupa na snagu danom donošenja.

Broj: 01-05-1398

Goražde, 23.03.2010. godine

PREDSJEDAVAJUĆA VIJEĆA

prim.dr.Vesna Nemic Klisura

SADRŽAJ

O D L U K U

- 0422 o pristupanju izgradnji regionalne sanitarne deponije čvrstog komunalnog otpada na lokaciji Trešnjica, općina Goražde 58

O D L U K U

- 0423 o dodjeli kreditnih sredstava TR "HENA" Goražde iz Namjenskog depozita Općine Goražde u cilju bržeg zapošljavanja na području Općine Goražde 58

O D L U K U

- 0424 o usvajanju Akcionog plana za 2010. godinu, projekat „Lokalno je primarno“- podrška Općinskom vijeću Općine Goražde 59

O D L U K U

- 0425 o usvajanju Elaborata o javnim površinama na području općine Goražde za 2010. i 2011. godinu 60

O D L U K U

- 0426 o dodjeli kreditnih sredstava SPP "DIN" Goražde iz Namjenskog depozita Općine Goražde u cilju bržeg zapošljavanja na području općine Goražde 60

O D L U K U

- 0427 o dodjeli kreditnih sredstava "AŠČIĆ" d.o.o Goražde iz Namjenskog depozita Općine Goražde u cilju bržeg zapošljavanja na području općine Goražde 61

O D L U K U

- 0428 o osnivanju javnog preduzeća za izgradnju i upravljanje regionalnom sanitarnom deponijom čvrstog komunalnog otpada 62

O D L U K U

- 0429 o davanju u zakupu poslovnih prostorija u vlasništvu Općine Goražde 63

O D L U K U

- 0430 o pristupanju izradi izmjena Regulacionog plana „Centar“ Goražde 64

0431	ODLUKU o javnim priznanjima Općine Goražde	64
0432	ZAKLJUČCI	70

Izdavač: Općina Goražde, Ul. M. Tita 2. 73000 Goražde.

Glavni i odgovorni urednik sekretar Općinskog vijeća Općine Goražde Samir Kanlić tel: +38738221161 i pomoćnik načelnika Službe za javne servise i tehničke poslove Sanid Zirak tel: +38738221796.

Štampa **GRAFOMERX** Goražde.